


辛亥二月十五月初版發行
辛亥六月初二日再版發行

民

心



民心卷貳目錄

● 攘異篇

● 淚語

● 哀聲

● 叢談

● 詩藪

民心 (卷貳)

攘異篇

漢劉章有云。深耕。溉種。立苗。欲疏。非其種者。鋤而去之。嗚呼。痛哉。言也不攘其異。終防夫同。雖不必太阿。倒持而勢固能喧賓奪主。入堂皇而不拒。鼯臥榻而莫辭。俶擾紛拏。揖拜退讓。未有不家破種滅。况吾民困苦垂三百年。我神明華胄之族。被人蹂躪。被人芟夷。日侵月邁。頽仍喪亡者乎。馴至今日。而所以僅存者。幸矣。俯伏專制。淫威之下。奄奄一息。又益以暴官污吏之敲剝。北狄東夷之眈逐。將見刀鋸殘生。膏諸豺狼之吻。我先祖黃帝在天。有知當亦痛恨此不肖遺孽。恨無洪水以掃盪之也。乃有淺知之輩。攘臂奮舌。以祈實行立憲。意其幸得成功。則累世顛連困苦。可以少蘇。抑不知虐我則仇。既不能攘而去之。反崩角長跪。求其分庭共事。縱使坦懷相視。推誠以待。吾且不能無疑。况今日政府促狹。如彼鄙倍。如彼而能信任無虞耶。排禦外寇。猶不我與。干預內政。自無庸贅。彼不過居高臨危。知難幸保。故利用立憲之說。以戢弭天下俊豪。烏桀之心。

而已。數年以來。所行之政。何若也。所爲之事。何若也。形於面。盜於背者。又何若也。司馬昭之心。路人而知之矣。且彼不惟假立憲以行專制。又將以實行其戕賊平民之伎倆。如水益深。如火益熱。吾知而今而後。滿朝盡委靡。舉國皆暗聾。將聽其所爲。罔敢有違。認仇讎爲父母。謂虎狼爲同類。其貽禍之慘。尙可言乎。是故今日政府對於外人之眈逐。佔據微特。無矜惜之意。且從攬其流。而揚其波。揆其意。必以爲既無才德。以懷服天下。又不肯甘心低首讓權於俊秀之平民。固不得不引外人以戕吾民。不戕之氣。若其非然。則東三省危如纍卵。僅賴一錫督爲長城。不顧百姓呼號。委而去之。東陞公報提倡排外。因以獲譴。是何故歟。賊害平民。至不惜其父母墳墓之鄉。亦可哀耳。甯贈友邦。勿與家奴。其心之忍。不覺溢於言辭。大丈夫不死則已。死則必舉大名。而奈何畏流血之痛。養潰爛之癰。他日噬臍。甯復有日。

夫同異雜處。猶冰炭一器。不炭之熾。必淪於冰。不冰之堅。終溶於炭。更君易代之初。莫不拚其全力以冀同化。歷時既久。力以寢微。然而赤帝司權。炭熱未解。而冰塊之不溶。

者幾希。讀雲漢之詩。吾不能無憾。耐耐方今。志士動輒自詡愛國。以不愛國責人。吾不知其所愛之國者何國也。時至今日。復何愛國之可言。抑愛國以保種乎。則吾國爲君爲后。作福作威者何如人也。抑必愛其國而後可保其種乎。則吾炎黃之裔。不絕如綫。雖幸免於東西列強。亦難免於專制之政府。愛之而不知其本。愛之者卽以自戕。也不揣其本而齊其末。欲以號召天下人。安可得乎。呂祖謙曰。夫論人者當觀其所事之君。而後聽其所發之言。倘失身於篡逆之朝。雖有忠言嘉謨。未免爲助亂也。湯來賀亦曰。論忠烈者當觀其所事之君。而後可以稱其人。而不過儻所事非君。則雖奮不顧身。君子無取焉。吾同胞處今日之世。行今日之事宜。知所取舍。譬如盜據吾家。播遷器具。姦掠子女。不幸弗敵。忍垢含羞。今有強勢力之人逼來侵奪。則吾必捐軀輸餉。助其摧滅。以銷此蓋世之憤。棟折榱崩。亦所弗顧。不幸而又遇犬羊之族。則吾益可乘其紛亂。力圖自立焉。有戮力効命爲制我之盜。以禦外寇。而益其淫威耶。流血疆場。飲恨私室。殆喪心病狂之徒之所爲歟。躍靈如迅。時機不再。而妄以愛國立憲之狂熱。博滅種喪家。

之巨禍可不悲乎。

然則欲同胞知國家之華貴而生愛慕之心者則必自攘異始。攘其異則必自根本改革始。根本不改革則內患未闕不足以抵外侮。異不攘則本源不清不足以廣支流。嗟我黃族始祖自帕米爾高原迤邐東下至黃帝南驅苗民北逐獯鬻建一帝國於中央。以此精神貽傳子孫故戰國時冠帶之國也。秦燕趙三國皆能攘胡開疆秦皇漢武威振絕域赫然爲中國開新紀元。自後歷代末運腥風膾雨亦嘗咄咄逼人。然柘拔五胡之終楊堅收之以成一統沙陀三族之僭郭威取之以延後人。迨蒙古宰割諸夏不及百年濠州朱元璋奮草澤以逐出塞外。試翻吾中國史有一次之陸沉卽有一次之振作一種先天的攘異特質鬱鬱哉葱葱哉轟轟烈烈哉。置諸萬國民族賽珍會上應亦得頭等獎牌。曾幾何時顧乃柔脆齷齪。至於此極蓋亦不知國爲己之國而愛之也。白帝斬而戴赤帝蒼天死而奉青天。孟德斯鳩所謂專制國無所國固二千餘年於茲矣。况自我禍中國以來一二狡獪者流修明禮樂緣飾周官竊聖經以牢籠吾民由是彈

琵琶而學胡語。吾同胞戀慕祖國之心。日遠日忘。已如張駿所言。降至女真蒙古一則。禁漢服。令削髮。置明安穆昆於民間。而化夷風者。漸衆一則。禁南人爲相。列儒生於八倡十丐。而改胡姓者尤多。自此以往。吾同胞被髮左衽。已無國之可愛。然箝制之術。未工。尙有空山歌哭。卒開大明之天。所最痛心疾首者。莫過本朝入關。種種不平等。先令薙髮分滿蒙漢軍。及我民爲四級。吾同胞非仕至三品以上。不準投旗。天下既定。嚴禁講學。社屢興。文字獄設詞科。以收攬反側。批通鑑以顛倒歷史。毛舉細故。謫戮在廷漢臣。其他公權私權上之剝奪。吾民固有之利者。近人已多羅列。無煩再爲贅述。積數百年。剛柔并用之手段。以振盪摧鋤天下之廉恥氣節。既殄既夷。一旦責以有愛國心。豈可得乎。故曰。必攘其異而後知愛其同。必從根本改革而後知攘其異。豺狼當道。爭問狐狸。非不知類。抑且無濟。


難者曰。吾聞之治天下之事。當權其輕重。度其緩急。方今瓜議將成。危亡且至。猶同舟遇風。雖秦越人亦當圖共濟之法。何子言之過也。曰。否。自來成大事者。必有操縱之權。

而後可以行其志。秦越雖疏。未嘗有相噬之心。今也處淫威之下。無尺寸之權。一結社則巡警探焉。惟懼其有變。一出報則巡警制焉。惟恐其異議。布告有禁。演說有禁。是舟將覆。猶阻其設施。安有同心共濟之足云乎。且政府中人。自入關以來。不耕而食。不織而衣。頑鈍椎魯之性。已成暴戾恣睢之氣。已甚。仰外人若父母。視吾民爲寇仇。以之共圖。則不足以之掣肘。則有餘靡惟無益而且有害。

意之初。破碎難爲。嘗受制於奧相梅特涅。自瑪志尼建少年意大利。遂復古國。而重都羅馬。德之初。散漫無統。嘗蹂躪於法皇拿破崙。自威里謙謳歌祖國。日耳曼遂合聯邦。而稱霸雄。斯二國者。皆以從根本改革。一新面目。躍列強之林。有爲者亦若是。夫孰謂吾同胞不能乎。雖然。方正學之言曰。在宋之時。見胡服。聞胡語。猶以爲怪。至於元百年間。四海之內。起居飲食。聲音日用。皆化同之。斯民長子。育孫於其土地。習熟已久。以爲當爾。無怪乎世人狃異同之習。而無一發清本之言也。哀哀同胞。同爲遺種。而乃尙作立憲幻夢。愛國盲談。不至於牛山濯濯。而不止來日大難。國仇莫恤。吾之言。雖可廢。吾

之。心。不。可。滅。世。有。攘。袂。而。起。者。乎。則。吾。泥。首。馨。香。祝。之。





淚語

(寫心來稿)

嗚呼。自各國秘議於法京。瓜分大禍迫。不我待。連旬以來。亡國之聲騰於道路。吾民于茲時代。固舍血肉爲彈丸。官骸爲砲械。此外無救亡良策。生辰之不幸。自不待言矣。然亦知亡吾國賢吾民者。非外人也。乃政府也。自今以往。幸而國民軍組織有成。此四百兆民。或出於萬死一生。則固我祖黃帝在天之靈。也不幸而此四百兆民之生機。將隨四千三百萬方里之版圖。變色淪而俱亡。則九幽之下。亦惟對此斷送吾土地人民。很心辣手之政府。諸老悖爲冤家而已。蓋吾民雖當此大禍臨頭。使吾民之能力果無可施展也。則亦何言所最不能忍者。則自政府發布僞立憲以來。無一不欺弄吾民。而藉以敲剝吾民之膏血。乃旣以欺吾民者。禍吾民。而猶束縛吾民。令不得自救。所謂國民會保界會國民團。皆不憚以電霆千鈞之力。以壓之。在彼政府之意。固以有小朝廷在遠。爲安樂公近。爲韓王亦奚不可。故不惜以我四白兆神明華胄。從此淪於萬劫不齒於齊民。爲其小朝廷之代價也。稍有血性之男兒。孰有不痛心泣血者乎。嗟夫。我民亦

何有深仇。大怨於政府。乃溯自國初。乘明之敝。据有中土。享受吾民衣租食稅。逾二百年。無事之時。使吾民不得與滿洲蒙古漢軍諸民有平等之權利。至於今日之危難。則任其號呼痛哭。必欲束縛之以擠於印度越南朝鮮之列者。誠何心哉。曩者國內國外。莫不有正言崇論。日相警告。無遠慮者。猶或無動於中。今則禍及吾民。至於此急。政府之罪。又焉可掩。吾爲此悲。故不敢不效將死之言。以冀吾民之締聽也。今茲現象。對於內。無訓練。無秩序之行。達對於外。無防禦。無憑藉之手段。僞焉側焉惶惶焉。將效脂韋絜楹之態。一償其博大官蓄金鏹之快念。爲長樂老之歷事四朝而倖他人之莫予毒乎。抑曠曠顛顛。自詡溫飽。爲蝸牛之蟄庭而逃外界之擊刺乎。將唏噓身世。寒灰稿木。而負錘以隨絕粒。以終乎抑蒿視憤鳴。曹無一策。徒紀亡國之甲子。酬杯酒於湖山。藉表餘忱乎。將爲文字之流血。無信念。無節操。葬於讀者之冷嘲暗笑。歿焉以終乎。將左挾武器。右懷劇藥。開血路於中原。而以個人建廓清摧陷之功乎。是數主義者。其必有。所擇矣。夫社會之造盜賊。不造豪傑者。有徽菌以爲之傳染也。非社會之過也。是徽菌。

者一形成裂爲百且百其形焉人之被其傳染也其爲聲也能使人面其獸鳴其爲象也能使六覺盡失以太不靈蓋有蓄志萃謀不利社會者卽其孕毒最烈者也去其黴菌絕其傳染是社會之衛生術治療術矣大欲去其黴菌絕其傳染是必於一團體中備特殊之官能組心力而一系而無後其力是進行而無礙何也使聖者一人而無常識者比比皆然聖者亦何能爲是必有以同化之同化者崇人格也故異分子不去則團體無由堅大愁不除必無以滌汚俗推是言也非俠不可

夫吾人笠青冥孕黃墟我勝我尊物勝我仆上溯原人下至末日安所在非俠之雲氣所包圍乎國家者食俠之德民族者庇俠之蔭社會者沐俠之恩也冒險之軍人獻身之革命之政黨疾風暴雨試大飛躍其目的與其俠性同惟困於專制政體壓迫之下故主所謂俠者僅含有輕死蹈險鋤強抑弱敢爲其難自命國士否認於法律而被譽於論客之意味矣不知今茲所謂之俠則由其能視救亡爲天職職之所在無敢委棄莫或推之莫或挽之而發於自覺者也夫各國有俠團之組織最盛者如西班牙綏維

臘。第。二。大。會。時。綜。十。州。團。二。百。郡。團。六。百。三。十。二。村。團。而。爲。一。組。織。俠。風。所。布。有。銅。山。崩。而。洛。鐘。應。之。觀。其。次。若。莫。斯。科。之。亞。鐸。團。意。大。利。之。洛。爾。諾。團。英。倫。之。楷。控。愛。團。紐。約。之。烈。克。尼。圍。棋。布。星。羅。不。勝。縷。述。其。政。廳。與。軍。隊。則。俠。之。特。殊。團。也。其。市。村。之。農。民。工。民。則。俠。之。地。方。團。也。而。司。其。樞。軸。者。則。中。央。團。也。訓。練。愈。密。機。軸。愈。靈。使。番。卒。醫。士。制。之。窮。於。術。虐。政。嚴。刑。治。之。失。其。權。若。意。若。露。若。西。班。牙。雌。伏。而。雄。視。者。甲。他。國。焉。蓋。以。社。會。秩。序。之。陵。遲。而。俠。風。以。熾。俠。風。熾。而。社。會。始。進。於。健。康。也。又。有。民。意。赤。十。字。社。以。爲。援。救。之。師。其。醜。貲。也。以。市。義。以。成。仁。以。臭。味。之。契。合。而。以。之。恤。其。身。澤。及。其。子。孫。自。千。八。百。八。十。一。年。成。立。以。來。若。瑞。西。若。法。若。英。茲。善。之。名。嘖。嘖。道。路。以。身。殉。俠。者。一。以。財。殉。俠。者。更。無。算。也。視。君。主。之。撫。恤。國。殤。其。榮。譽。又。有。加。也。且。有。國。際。黨。爲。外。力。之。助。重。經。驗。不。尙。空。言。歷。驗。人。情。而。施。之。精。神。上。之。感。化。各。因。已。能。而。不。拘。職。業。上。之。勞。逸。爲。教。員。可。爲。醫。師。可。爲。新。聞。記。者。可。爲。書。買。靴。工。鍛。人。及。其。他。手。工。均。無。不。可。蓋。自。千。八。百。六。十。六。年。國。際。同。盟。樹。幟。後。一。則。曰。國。際。同。胞。再。則。曰。各。國。同。胞。固。已。縮。員。與。

於一室。伸驥足於全歐。僅閱七年。渡大西洋。植荃紐約。而梅洛斯重。以稀世而才。統歐美兩大陸。而統一之斯。非生民未有之奇烈耶。用是七刺俄帝。三殺大統領。而粵后而伊王。而西班牙首相。有逆民意者。卽由民意征服之。有殺民黨者。卽由民黨報復之。自個人之俠而爲團體之俠。惟有團體之俠。而愈見箇人之俠。以視我國如鉏覺之觸槐。豫讓之斬衣。荆軻之圖秦。稜稜俠骨。竟絕迹於秦漢以下二千餘年間者。又何如也。夫自俠之主觀言之。置身世之窮通形骸之美醜於度外。而其品概獨高於精神界。以名譽爲生死。以節義爲進退者也。反之則有如貌雄而雌。飾者一利至而驚集。一害至而鼠竄者。自俠之客觀言之。生理上被誅戮而心靈界獨支配人類於百世。陣沒於政界而戰勝於文明界。稱揚民政之舊國家。史氏所謂立意較然不欺其志。名垂後世。非忘語也。反之則有如僕妾色狗馬行。聞風而有餘臭者。智已愚人。詭辨以儉生者。靡風所激。寢成奴海人智。幼穉不溺矣。試回溯吾國舊有之學說。孔曰殺身。孟曰殉道。此其教旨。非可隱飾。且墨子之徒七十。田橫之士五百。已開俠團之風焉。若日本兵庫二。

十餘人。割腹之烈。卒使白人震懼。自愧弗如。其他天王寺。畔芝泉岳寺。畔莫血。雖枯英魂未絕。陶淵明詠俠客云。其人雖已死。千載有餘情。斯固社會信用如是。其篤渴望如是。其深也。果其以強悍者。仇教之力。而仇官。果其以凍餓者。自殺之忍。而斂其毒我者。使同歸於盡。果其以血腥之文字。一變而爲示威運動。恐怖主義。果其以強猛之腕力。一變而爲拳銃。爲爆丸。爲劇藥。何功之勿遂。何仇之勿復。彼偉人如革拉喀斯。豈僅羅馬之生兒耶。彼女女傑如伯爾達拿。豈獨露西亞之特產耶。斃一革拉喀斯。而百革拉喀斯尙無恙。囚一伯爾達拿。而千伯爾達拿。又踵起。古之譽俠者曰。愛妻子。不如其愛社會。今則巾幗亦英傑矣。曰。生王之頭。不如死士之壠。今則爲舊社會腐敗之維持。卽爲新社會永延之勝利。而功蓋前人矣。俠之學業。愈高。組織愈密。奏效愈捷。此所謂治汚吏。無他長策。使懸頭於市。裂尸於途。漬血於庭。延刀於枕。淫妾殲於床。弱子流乞於他方。一省之中。歲數見。則以言救亡。猶反手也。俠之爲用也。若是言乎。俠團則合羣。以爲之言乎。箇人之俠。則凡有官骸耳目之烈男壯女。無不能爲之也。今日外禍內害相迫。

而。來。吾。民。不。言。救。亡。則。已。言。救。亡。亦。知。所。緩。急。所。先。後。乎。不。知。所。緩。急。所。先。後。則。已。知。之。其。舍。俠。何。爲。不。用。俠。則。已。用。俠。則。何。事。不。可。成。哉。不。然。種。奴。身。辱。大。難。不。免。終。日。皇。皇。亦。何。爲。也。哉。





哀聲

孚琦乃一不知名者也。夫京直政界中名望赫赫什倍於孚琦者何限。何孚琦獨遇鎗彈哉。且政界中名望優於孚琦者既多則等於孚琦者自必不乏。而孚琦竟遇鎗彈是鎗彈固不擇人而至也。嗚呼鎗彈不擇人而至又何怪政界之恐慌乎。雖然政界中孚琦雖多而吾國中真如溫生財者固惟一而已。政界之恐慌不誠無謂不知溫生財雖無論真一人與否而政界諸大老心目中溫生財固不啻什百千萬。又烏得不恐慌。恩銘之死於徐錫麟也。恩銘固撫台而徐錫麟則道台也。以道台戕撫台是以職吏戕職吏而溫生財之鎗斃孚琦則凡民戕職吏矣。嗚呼以職吏戕職吏猶有官職乃足以加害夫官吏而凡民戕職吏則一夫奮臂皆可使大吏之生機就斃。嗚呼大吏吳樾之炸五大臣也。反對憲政也。而溫生財之鎗斃孚琦則無他之目的也。反對憲政有所爲也。無他之目的者無所爲也。夫鎗彈至無所爲而亦飛來則當無在而非鎗彈矣。彈兮彈兮奈若何。

汪精衛之謀刺也。思大舉而不成。溫生財之行刺也。似若行所無事。固不相同也。有如是。

溫生財一被獲。沈督卽下令嚴搜其家屬。然其家屬已由香港赴新嘉坡矣。欲剖溫生財之心。做徐錫麟故事。又恐被外人譏笑。此亦政界所無如何者也。

請願代表有溫生財。國會何至不開浙路代表有溫生財。合同何至不早廢留學生之國民會。有溫生財。汪大燮。吳振麟。何敢作怪。溫生財。溫生財。汝何不倡辦國民軍。而徒刺一孚琦哉。

瓜分之事急矣。吾民一線生機。在國民軍之速成。政府頑固。大吏猶欲作梗。不使吾民得有自救之術。吾甚欲以溫生財對孚琦之法。行之海內。同胞有與吾同志者。盡興乎來。全國版圖。轉瞬間。卽將變色。四百兆人民。已爲列國釜中之魚。俎上之肉。此何時乎。慶王府。猶由其乾女兒。招引天津女伶。到邸日演淫劇。誠能縛老慶而殺之於市。誰曰不宜。

監國聞瓜。議臨朝。輟泣。吾敢進一言。滿朝皆亡國之臣。不能誅之。斥之。徒涕泣作兒女子態。亦胡爲者。

吾恨不能酒能飲五斗。膏粱當取中國李完用第一第二第三第四之肝腸脾肺一同爲下酒之物。不亦快甚。

孚琦而無嬌妻弱女也。則已。如其有之。則當其出署之前。必預告之曰。吾將往觀飛行艇。歸且詳語爾。詎料其出署也。無限喜悅。其回署也。無限踉蹌。

孚琦無嬌妻弱女。則已有之。則孚琦當出署之前。必預告之曰。吾將往觀飛行艇。歸必詳語爾等。以飛行艇之奇異。何期其出署也。無限堂皇。其入署也。無限踉蹌。其妻若女方得飽聞飛行艇而爲快。乃不逾時而號聲大哭矣。嗚乎。人生何處。非危地。竟爲今日政界中人之語耶。

江春霖叅老慶而回本衙門。朝野方謂江春霖外諫垣已無人矣。不謂尙有趙炳麟以叅外部步其後塵。然而江春霖則回籍矣。趙炳麟則何如。

國事已不可問矣。尙未聞諫垣中有以事尸諫者。然尸諫於今日固亦未必動聽也。而處諫垣之地位。殆有非以死諫不足盡其職者。嗚呼。諫垣諸君莽莽神州已無一片乾淨土爲君等埋骨地矣。

吾不知老慶何以特具此老臉也。諫臣參之。資政院劾之。輿論攻之。彼非不聞也。七十老翁尙不能去。駑馬戀棧之思。縱不爲國家計而爲箇人計。亦何不急去乎。是必遇鎗彈劇藥而後得其死所乎。

國民軍既發起於學界。使全國學界罷課。而要求之。全國商界罷市。而要求之。各省依各地之方言。發傳單數千萬張。軍事之不成。吾不信也。有志男兒好自爲之。

資政院彈劾軍機。軍機雖不遽倒。而其罪狀已表暴於世界。吾不知軍機中人其視己身之地位之况味。何如。然資政院雖不能倒。軍機已足使軍機膽落。若惟恐資政院再開議。卽軍機處之末運。是以無甚可議之。資政臨時會老慶猶必阻止。

老慶賞識小叫天陳督夫人。招引女伶於王府煙台。警察長親爲妓女王素卿免稅。振

貝子私藏楊翠喜載搏密載蘇寶諸如此類吾無以名之名之曰娼優之世界

倫貝子入部以來遇楊士琦提議事項則目注公牘置若罔聞對施丞參書諾之官銜則令削去故楊士琦及各丞參咸抱不平不知彼固皇族中之一人其奈之何磨成奴性頭銜貴何用鬚眉作丈夫楊等竟未知之耶

怪哉當此國亡無日凡有所以救吾民者政府百不注意惟亟亟脩治陝省之行宮嗚呼噫嘻政府已自分變局之後有小朝爲安樂之地吾民可不知之寧贈友邦不與家奴之心事於斯畢現吾民尙懵懵哉

盛宣懷不與焦滇同死何以寒賣國奴之心今則焦滇之尸陳於中國博物院而盛宣懷固依然無恙然盛氏之漏網亦我國民之一恥也

上諭以時事多艱內外大臣不得托請病假但此輩雖不病日日在官究亦何補

胡惟德參老慶以十二大罪老慶將還報以一罪胡惟德所指之十二大罪可知有洋洋數千言而老慶將還以一罪僅三字曰大不敬可謂一語抵人千百

將。來。國。民。軍。之。統。領。固。不。慮。無。人。統。率。而。目。前。則。當。以。前。任。封。疆。大。臣。今。已。退。居。林。下。者。藉。以。提。倡。號。令。

江。西。有。民。賊。人。議。員。首。倡。加。賦。以。逢。迎。官。場。此。固。未。立。憲。之。先。已。知。立。憲。黨。必。有。此。等。之。敗。類。方。意。此。等。敗。類。將。能。曲。折。其。手。段。吾。國。民。將。間。接。而。受。其。患。害。不。謂。有。明。目。張。胆。如。陳。瀛。者。可。勝。浩。歎。

萬。國。研。疫。會。中。日。人。竟。禁。我。提。議。權。公。然。以。我。政。府。無。防。疫。之。知。識。嗚。呼。日。人。欺。我。至。於。此。極。政。府。不。羞。之。我。人。民。有。不。眦。裂。髮。指。者。乎。雖。然。在。日。人。之。處。心。積。慮。固。人。人。之。所。知。也。所。不。解。者。吾。民。何。苦。尙。愛。戴。此。政。府。耳。

貪。官。污。吏。束。縛。吾。民。以。畀。外。族。可。謂。至。矣。旬。日。以。來。大。中。公。報。東。陞。公。報。并。受。其。摧。殘。非。必。提。倡。民。族。排。斥。立。憲。遭。彼。政。府。之。怒。不。過。少。弗。愜。於。外。族。之。意。耳。夫。今。日。外。族。非。眈。眈。而。逐。逐。耶。眈。眈。吾。土。地。逐。逐。我。神。州。卽。爲。吾。不。共。戴。天。之。仇。而。吾。斥。之。當。也。吾。斥。之。則。彼。弗。稱。意。盛。怒。之。下。必。加。摧。殘。而。乃。坐。堂。皇。擁。臯。比。大。言。不。慙。爲。民。父。母。竟。助。紂。

爲虐。作虎之俚。奉異族如帝天。視同種如草艾。悖逆橫施。慘無人理。且有揚外人餘波。爲己張本之氣概。吾民何辜。受此荼毒。好男兒。好身手。吾願以加里波的安重根祝之。片馬不保。滿蒙垂亡。不許各報登載。及人民干預。是何心哉。殆塞閉吾之耳目。束縛吾之手足。而使無可呼號。無可頡頏。作一冤死鬼。甯不哀哉。

政府不顧其父母墳墓。畀東三省於日俄。吾人則不能不疾號援拯。蓋三東省爲全國門戶。一旦失守。長驅南下。種族之痛。甯可幸免。同胞同胞。盍興夫來。

吾人不惜犧牲生命。支此殘局。非恐皇室將傾。故爲之保。惟以神明之族。不忍蒙腥膻之穢。嗚呼。同胞曷若同心同力。以清內患。俾五千年文物復光於今日。而遠列強於萬里外之外。之爲得乎。

外侮深矣。內患極矣。二者交迫。危亡無日。而京城通邑。尙嬉嬉煦煦。酣舞太平。瓦狗滿朝。伊誰之咎。

隆裕太后愛錢。攝政王福晉亦愛錢。一官之封。一爵之予。莫不出於若輩之手。無恥人

士趨走如驚。丈夫氣慨。行將喪絕於中原。嗚呼痛哉。

政府不仁。以吾民爲芻狗。吸之吮之。剖之剝之。猶不足以逞其野心。當驅此刀鋸之餘。以畀豺虎。吾恨不得莫邪。干將。殺盡鼠輩而后已。

親貴殘賊可恨也。官吏暴虐尤可恨也。蓋官吏不必盡親貴。忘己所自出。而爲外族鼓洪爐。揚臣漫。若不滅盡人民。不足爲其能乎。雖然。彼之宗祖。吾知將樵胸涕泣於九泉。立憲非吾人之幸也。世有畏痛養癰。而不崩潰者乎。故希望立憲。蘇困萬一。策最下也。政府之不信任吾人。猶吾民之不信任彼。懷疑妬忌。弄出今日怪狀。希望立憲。諸君。可以反省乎。

西北之風雲日緊。政府之交涉日敗。同胞之生命日蹙。莽莽乾坤。行見沈淪於腥風穢雨之中。

錫良去。東三省亡無日矣。東三省去。中原亡無日矣。嗟我同胞。何處覓乾淨土而掩此骨骼耶。吾念之。吾涕下也。

慶王府多金葉子。又有名妓。吾不知亡國後作如何處分。

奸相當朝。權闖得意。寡后在上。嬰兒無知。立於代替之地位者。一舉動亦皆嫌疑所集。是以明知是人爲全國之公敵而不能去。其袞袞當朝。又無一非亡國之臣。吾濟平民不幸。生息其下。丁此列強環迫。其有幸乎。

今時之勢。不特全國存亡之關繫。卽吾民人畜之關係。每過通都大邑。見此熙來攘往之徒。猶復酣嬉自若。不竟爲之一哭。





叢談

明崇禎十七年三月。李自成既入明北京。改元永昌元年。國號大順。其臣劉崇敏傳諭城中百姓曰。你百姓毋得驚惶。你們須用黃紙寫順民二字。粘貼門額上。及門首。卽不殺。於是百姓皆執香跪迎。門口粘貼順民二字。又書永昌元年順天皇帝萬歲。

國朝豫王兵下江南。既得南都。忻城伯趙之龍。率諸臣迎降。趙令百姓家。設香案。黃紙書大清皇帝萬歲。又令大書順民二字粘貼門左。

江陰城將陷。降將良佐。白計勸降。約城中官吏士民曰。豎了順民旗。薙頭數十。周行城上。卽退兵矣。次日四城。徧立順民旗。一忽中變。盡拔順民旗。而改樹大明旗。幟如初。庚子北京之變。八國會師來攻。已而天津破。北京破。向日手拳扶清滅洋旗者。至是皆改易服幟。大書大英國順民。大法國順民。大美國。大日本。大德國順民。

此一般無恥奴。當於今日列國決定以兵力瓜分中國之頃。不有以告其人蓄關頭。皆於此時爭得。是必不足以救亡。

俄國政府之橫暴爲世界冠。俄國民黨之堅韌亦爲世界冠。以彈丸血肉相交換。相搏擊者數十餘年。日以暗殺爲事。甚有某首相於邸第開宴會。有詐爲賓客而入者。擲炸彈於席。斃四十餘人。又有薛姆諾斯基軍隊司令官閱大將者。以莫斯科暴動之役。以多殺革命黨立功名者也。在彼得霍夫火車站。爲一女俠。以鎗向其背際。連放四鎗而斃。觀此可見專制政體之末路。而女權時代之開幕矣。

吾國自秦漢以來。不講尙武。其故有二。一爲偃武修文。古時史冊。皆以戰危兵凶。吾國之士。並以戰事爲窮兵黷武。所以武健之風。銷磨淨盡。一爲重文輕武。視武營軍將不啻爲文官之奴隸。所以軍營將吏。亦無甚期望。年來此風已稍激矣。然無軍國民教育。空羨全國皆兵之制。亦終無補。近月以來。倡設民團以備警。全國騷然。當急需軍備之時。違言教育。第易講義爲說帖。變文言爲白話。使人團之民。每日各手一紙。未爲不可說帖之綱領。應有四。(一)有國家思想。粗淺之普通學。(二)激發名譽心。(三)有強力。今日時局變換離奇。非極可驚。驚者乎。然維持東亞和平。列國之甘言固依稀如昨也。

吾民迷夢之中。亦知東鄰謀我者。已非一日矣乎。且述其國之政治家之對我所持根本之政論如下。


在當日維持支那之說。頗行於世。然吾觀支那現狀。決非可維持也。蓋大廈之將傾。豈一木所能支乎。以支那土地之廣大。國勢之腐敗。雖竭日本全力以維持之。恐終無濟也。故吾於二十年前。曾倡瓜分之說。載之報章。大旨謂支那之風俗人情。渙散不羣。決非能成一統國者也。而不意大受世間之攻擊。然吾說果爲其攻擊矣。而彼妄倡維持說。欲扶殖其獨立者。其能奏功否耶。

夫支那既不可維持。而又妄倡同文同種以來其歡心者。有何異宋襄之仁乎。然以此行之于形式政略上。而籬絡之。漸使其就我範圍。則亦無害也。雖然。昔日日本維新前。長州之長井雅樂。倡公武合體論。主張調和朝廷與幕府。然此公武合體論。畢竟水火之不相合。窒礙難行。蓋欲扶殖幕府。則當阻遏朝權。欲伸張朝權。則宜覆倒幕府。事豈有兩立耶。吾觀今日情形。亦猶是耳。

然而欲扶植支那獨立。不可不抑制各國。在支那之擴張利益勢力。否則支那國土。必日益凋敝。吾人能分其一杯羹耶。若今日之強暴俄人。以東三省爲己有。而彼英法德美亦將乘勢大謀擴張其利益圈。而吾日本又烏可不速佔福建或別地。以經營之耶。今吾甚不解吾日本之政治家。眼光何如是弱耶。罔知百年經綸。徒拘拘評論于目前。問題何冒昧若是耶。然要之東省問題。宜先計支那之運命。如何處置。如何不此之務。恐徒勞而已。是以吾敢正告我日本政治家曰。對於內。勿誤百年之大計。對於外。勿任各國捷足先得支那大陸之利益也可。

支那之得稱爲國者。非自其全體人民有共同扞衛國家之能力而組成之者。也不過個人自生自滅之一塊大陸而已。故其人民無國家之觀念。而不論何族。皆得據其土。奴其人。創造政府。以布其政令者也。嗟嗟此支那之所以不待三稔五稔而卽將陷於宰割之境乎。夫宰割支那大陸之政策。吾知其必能實行。而樓息于此。一塊大陸之人民。決不有稍存抵抗之心者。驗其歷史。察其人情。不待龜蓍也。然當宰割之前。不可

不預爲佈備。否則臨渴掘井。徒呼機關之不靈。則又安得不落人後耶。經營支那事業之最不可缺不可緩者。則設立日清銀行是也。夫銀行者經營事業之金融機關也。金融機關一成立。則若維持既得權利。擴張勢力。範圍自福建經浙江。囊括南清一帶地。莫不唾手可得矣。而發達內河航路。鐵道鑛山。及其他開鑿事業。運輸事業等。猶如分布枝葉而綽綽有裕也。謂予不信。請觀俄清銀行。夫今俄得據滿洲土地。爲已有者。亦由設俄清銀行。後而漸布其勢力。以收今之局面乎。故余敢斷言曰。日清銀行不設立。經營支那事業。決不能擴張經營事業。既不能擴張。則當列強分割支那之際。雖欲不落人後。亦不可得矣。



詩藪

雄風社詩選

寒先生 同邱白夫感事 (此詩大約為靖南王告敗後作) (觀瀾註)

小鳥韜聲耐。谷幽依人終。愧賦登樓七。閩往代多慚史。舊傳教兀虎破韓世忠及德估降表行省稱賀表皆
閩人為三楚風重鬼謀。聞楚師出沒不常千載恨人看接踵。何年老眼豁牢愁。餘
黎忍逐瀉波盡孤木。能堪碩果留。

觀瀾來稿

贈無我

同志如君有幾人。蒼涼近況不堪陳。羈余河北嗟髀肉。憐汝江南味。瞻薪暫把文章慰。
離合敢忘心事怯。艱辛臨風已極分。携感回首神州更愴神。

閨中談次感作

如此世途不忍歡。相憐相對話羅蘭。酒漿人血傷心語。儂尙儉生學伯鸞。

爲韓國安重根感作

十年碌碌走風塵。我愧堂堂一國民。東望重根連俊輩。而今不敢笑韓人。

其二

激昂慷慨吐供詞。發盡危言對讞時。絕好頭顱拚一賭。中朝無此健男兒。

讀史有懷

岳家遺恨崖山肉。今日中原百事非。莫問南朝舊天子。入秋怕讀謝翱詩。

鐵血生來稿

哭秋女士

腥風血雨斷頭台。女子多才轉可哀。天地無情新鬼哭。國魂一縷喚難回。

題太平天國戰史

中原志士血空流。還我河山願未酬。愧煞偉人曾左李。同胞賣盡爲封侯。

復社詩鈔

〔正錄雄風社詩選適見大隱君寄錄復社詩救囑登報端以此等慷慨激昂之歌詠足以壯人志氣不厭海內外同胞熟讀之因附錄于此〕

題冬青引

鞠躬盡瘁死方休。一再勤王志復仇。慷慨艱難存正氣。男兒義不辱旃裘。外來笑罵任他人。富貴依然及我身。雙手捧將城跪獻。狗才也要作忠臣。

題太平天國戰史

前人

左衽椎髻悲莫悲。中原久失漢官儀。奴根未拔人心死。誰繼洪王光復旂。哀哀同種血。痕鮮人自功。成國可憐莫向金陵開。眺望舊時明月冷。如烟。

和顧亭林井中心史歌

敵公

漢兒理合克家肖。何爲引虎入家廟。風光又是一番新。麥秀漸漸無人弔。唯公瀝血書心史。野哭哀哀講倫理。誓將一片沼胡心。喚起同胞死灰死。何期左衽年復年。艱難未補。媧皇天不卽成仁。爲有待發揚大義生。光彩鐵函出現剎。那間勾奴又犯漢。江山燕京破。等崖山覆種魂。一去如黃鵠。我思古人夢見之。髣髴下筆悲歌時。最好胡酋盡未。

死。髑。髏。多。少。懸。街。市。孫。子。肯。為。有。心。人。祖。宗。免。作。若。敖。鬼。嗚。呼。滄。桑。幾。度。腥。氈。多。媚。仇。奈。爾。先。人。何。

咏古劍

劍 鉞

廿。年。湮。沒。落。漢。城。凡。眼。何。曾。識。綠。萍。霹。靂。一。聲。飛。出。匣。自。將。恩。怨。報。分。明。

春夜有感

公 猛

一。春。勤。稼。穡。木。草。荒。東。園。今。晨。始。芟。刈。誓。將。除。其。根。惡。紫。之。奪。朱。去。偽。以。全。真。佳。卉。唯。恐。少。野。草。唯。恐。繁。腰。斧。伐。荆。棘。用。以。衛。籬。籬。荆。棘。傷。吾。手。淋。漓。手。中。痕。手。傷。不。足。道。籬。撤。何。以。存。

明陵

手 岡

滿。眼。黃。沙。景。色。荒。萋。萋。草。木。亦。悲。傷。大。明。王。氣。今。何。在。只。剩。殘。碑。臥。道。旁。烟。雨。蒼。茫。一。片。秋。銅。駝。荆。棘。鬼。聲。啾。何。時。光。復。雄。師。起。吾。願。提。刀。報。國。仇。

少年

亞 震

少年當立志報國。日方長。姓氏千秋譽。勳猷四海揚。冠裳酬父母。鐵血較疆場。行矣君。勿餒。惟茲漢祖光。

壯心

淚人

壯心歷歷肯消磨。手把銀鈎快放歌。世界漸更新。歲日風潮急。激舊山河爭存。豈畏前途險。奮志翻悲去日多。擾擾羣然今見首。推翻大局看如何。

元日雜感

亞盧

伏匿穹廬又一春。蹉跎歲月擲黃金。忍看祖國淪非種。苦恨儒冠誤此身。窮海何人存。漢臘中原極。日盡胡塵黑。然王氣消沉。未獨上昆侖。弔國魂。希望前途竟若何。天荒地老感情多。三使俠少誰相識。一掬雄心總不磨。理想飛騰新世界。年華孤負好頭顱。椒花柏酒無情緒。自唱巴黎革命歌。

咏荆軻步陶靖節作韻

天梅

至誠產俠士。義憤吞秦嬴。天生太子丹。屈膝禮荆卿。荆卿血何熱。戴頭入函京。中原存。

與。亡。仗。劍。在。此。行。子。路。殉。衛。難。慷。慨。結。其。纓。洗。却。儒。生。酸。皎。然。三。代。英。良。錐。漸。離。筑。彬。彬。此。後。生。七。首。作。禍。先。祖。龍。吃。一。驚。豺。虎。恣。攫。噬。千。載。罵。姓。名。一。擊。雖。不。中。霹。靂。聲。震。庭。獨。夫。壓。力。挫。民。志。堅。如。城。項。氏。大。任。俠。崛起。而。經營。幸。摧。舊。政。府。偉。業。片。刻。成。荆。卿。實。先。鋒。激。起。真。性。情。

哀思之歌

志 撰

荆。刺。充。滿。宇。宙。兮。獨。不。見。蘭。與。蕙。兮。吾。愛。此。寶。貴。之。種。兮。安。忍。他。卉。之。更。遞。兮。彼。蘭。蕙。之。芳。之。馥。郁。兮。羌。弃。之。而。如。敝。兮。胡。曼。珠。之。花。之。腥。穢。兮。反。甘。之。而。如。醴。兮。鴟。梟。之。暴。橫。兮。而。鳳。鳥。將。安。棲。兮。桀。犬。唁。唁。而。狂。吠。兮。幸。吾。途。之。非。迷。兮。同。室。且。操。戈。兮。又。無。怪。他。人。之。傾。擠。兮。抱。春。秋。之。大。義。兮。固。不。可。以。處。於。今。之。世。兮。苟。靈。臺。其。洞。明。而。修。潔。兮。奚。恤。衆。濁。之。功。詆。兮。登。崑。崙。而。望。大。海。兮。恐。此。志。其。終。未。濟。兮。歎。蚩。蚩。之。誰。與。語。兮。招。黃。帝。之。魂。而。雪。涕。兮。願。我。兄。與。我。弟。兮。將。二。百。六。十。餘。年。之。奇。恥。一。朝。而。洗。兮。

自題中國滅亡小史（滿江紅）

亞 盧

遍地腥羶。何處唐宮漢闕。嘆唐事自由。空氣無端銷歇。秋草黃。遮亡國淚。夕陽紅。染傷心。血倩巫陽。招得國殤魂。腸千結。華夷畧。疇分析。奴隸痛空悲。切問何時喚起。中原豪傑。鐵騎憑誰馳。朔漠銅駝見。汝埋荆棘。看境中如此。好頭顱。拚先擲。

題張蒼水集用岳武穆韻 滿江紅

志 攘

破碎河山。嘆一縷殘魂。欲歇誰肯信。書生報國。竟成義烈。慷慨悲歌。江海水寂寥。夜哭滄桑。月撫鬢眉。搔首看天。狼同仇切。報韓志酸如雪。華夷畧。官能滅。但春秋抱住。完全無缺。臣節苦嘗。雄鬼胆。霓旌紅染。黃炎血。問何時。捕盪羊犬羣。還京闕。

題桃花扇(百字令)

縹糊張眼。看江山無主。輿圖換稿。一幅滄桑。誰堪畫。腸斷秣陵秋老。衰草樓迷。夕陽慘淡。舊淚知多少。零香殘粉。付與聲聲啼鳥。最恨燭炮烟消。語終夢醒。門戶空爭。鬧國破。家亡無所贖。羸將數株紅蓼。蘂子孤臣。漁夫樵客。冥冥鴻飛杳。識時俊傑。出山唯恐不早。

題公曼仇史卽以爲贈（壺中天）

慧雲

滔天風浪頓傾翻。赤縣鼉鼉出沒如此江山。誰管領一任伊川被髮。我輩書生高歌擊劍。枉自生奇骨。可憐殷浩書空終日咄咄。正值瓦釜雷鳴黃鍾毀弃。集手撐天窟。艷絕朱明光復史。想見南征北伐水滸豪情。春秋大義危繫千鈞。髮讀難終卷。蕩虜雄心。颯發。

東京懷佩忍賀新郎

海上曾相識。把心肝千里懷人情難拋得。滿地江湖荆棘遍。獨自朝南暮北。原不爲飢寒交迫。事業未成天尙醉。嘆古來壯士無顏色。神明胄。蕭條極。幾出時掃蕩。匈奴域。試看那隻身跳擲。提刀殺賊東亞風雲千變幻行矣。前途昏黑。記取完沙塲奇節。亂世青年真福分。好頭顱。收葬要離側。雖死別長相憶。

辛亥三月出版

辛亥六月再版

西曆一千九百十一年

(每年定出十二卷)
定價每卷一角郵費另加

總編輯人

林

剛

總發行所

福州警

醒

社